



Broj: 07-14-1752/18
Vogošća, 16.11.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 16.11.2018. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA ZIMSKOM
ODRŽAVANJU LOKALNIH I NEKATEGORISANIH PUTEVA I TROTOARA NA PODRUČJU
OPĆINE VOGOŠĆA, U SEZONI 2018/2019. GODINE KAO I STAVLJANJU VAN SNAGE
ODLUKE O IZBORU NAJPOVOLJNIJEG PONUĐAČA ZA IZVOĐENJE RADOVA NA ZIMSKOM
ODRŽAVANJU LOKALNIH I NEKATEGORISANIH PUTEVA I TROTOARA NA PODRUČJU
OPĆINE VOGOŠĆA, U SEZONI 2018/2019. GODINE BROJ: 07-14-1752/18 OD 12.11.2018.
GODINE**

Član 1.

Poništava se Otvoreni postupak javne nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine broj: 07-14-1752/18, jer pristigla ponuda nije prihvatljiva.

Član 2.

Ovom Odlukom stavlja se van snage Odluka o izboru najpovoljnijeg ponuđača za izvođenje radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine broj: 07-14-1752/18 od 12.11.2018. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 23.10.2018. godine donio Odluku o pokretanju Otvorenog postupka nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 23.10.2018. godine pod brojem: 1353-1-3-125-3-75/18.

Sažetak Obavještenja o nabavci objavljen je u "Službenom glasniku BiH" broj: 75/18 od 26.10.2018. godine.

Dana 12.11.2018. godine Općina Vogošća kao Ugovorni organ je nakon provedene procedure donijela Odluku o izboru najpovoljnijeg ponuđača za izvođenje radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019.

godine broj: 07-14-1752/18, kojom je kao jedinu pristiglu a formalno-pravno ispravnu ponudu u predmetnom postupku ocijenila ponudu ponuđača "Ame" d.o.o. Breza.

Nakon provedene zakonom propisane procedure, Službenik za javne nabavke je nadležnoj službi dana 13.11.2018. godine, a u skladu sa članom 76. Zakona o javnim nabavkama BiH ("Službeni glasnik BiH", broj: 39/14) dostavio komplet dokumentaciju vezano za predmetnu nabavku zajedno sa Nacrtom ugovora.

Dana 16.11.2018. godine aktom broj: 07-14-1752/18 Služba za komunalne, poslove mjesnih zajednica i zajedničke poslove je dostavila Komisiji za javne nabavke Obavijest da je nakon zaprimanja gore navedene dokumentacije, a prilikom uvida u Ponudu ponuđača "Ame" d.o.o. Breza uočila da na Obrascu za cijenu ponude-Aneks 2 nije upisana cijena za nabavku posipne soli za ručno posipanje puteva zbog poledice. Uz obavijest je Komisiji vraćena cjelokupna dostavljena dokumentacija na postupanje.

Nakon zaprimljene Obavijesti, Komisija za javne nabavke je istog dana održala sjednicu, te ponovno izvršila uvid u predmetnu ponudu, nakon čega je konstatovala da prilikom prvog pregleda i ocjene ponude nije uočila da na Obrascu za cijenu ponude-Aneks 2 Ponuđač "Ame" d.o.o. Breza nije upisao cijenu za stavku koja se odnosi na nabavku 2 tone posipne soli za ručno posipanje puteva zbog sprečavanja poledice, sa periodičnom isporukom na zahtjev investitora, u prostorije mjesne zajednice u adekvatnim vrećama, težine do 50 kg i to na sljedećim stranicama:

- Stranica 7. Ponude, redni broj 13.;
- Stranica 8. Ponude, redni broj 20.;
- Stranica 9. Ponude, redni broj 18.;
- Stranica 10. Ponude, redni broj 19.;
- Stranica 11. Ponude, redni broj 22.;
- Stranica 12. Ponude, redni broj 16.;
- Stranica 14. Ponude, redni broj 27.;
- Stranica 16. Ponude, redni broj 26.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Odluke o izboru najpovoljnijeg ponuđača za izvođenje radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine broj: 07-14-1752/18 od 12.11.2018. godine kao i poništenju Otvorenog postupka nabavke radova na zimskom održavanju lokalnih i nekategorisanih puteva i trotoara na području općine Vogošća, u sezoni 2018/2019. godine, iz razloga jer primijena ponuda nije formalno-pravno prihvatljiva za Ugovorni organ, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Ame" d.o.o. Breza
2. Nadležnoj Službi
3. U dosije
4. a/a

032/783-550

OPĆINSKI NAČELNIK


Edin Smajić